

**REPUBLIKA
BOSNA I HERCEGOVINA
FEDERACIJA
BOSNA I HERCEGOVINA**



**SLUŽBENI GLASNIK
OPĆINE
ZAVIDOVIĆI**

5/95

03.04.1995.god.

**SLUŽBENI GLASNIK IZDAJE STRUČNA SLUŽBA OPĆINE ZAVIDOVIĆI
ODGOVORNI UREDNIK: HAJRUDIN KATARDŽIĆ dipl.prav.**



Na osnovu člana 38. Zakona o primjeni Zakona o finansiranju opštih društvenih potreba (Službeni list RBiH, broj 11/92, 3/93, 19/93, 27/93 i 13/94) i člana 22. Poslovnika o radu Predsjedništva Skupštine općine Zavidovići, Predsjedništvo Skupštine općine Zavidovići na 77. sjednici od 26.4.1995.godine, donijelo je

O D L U K U

o usvajanju završnog računa ratnog budžeta općine Zavidovići
za 1994. godinu

I

Usvaja se Završni račun ratnog budžeta općine Zavidovići za 1994.godinu prema sljedećim podacima:

- ukupan prihod od	2.409.231 BH dinara
- ukupni rashod od	888.855 BH dinara
- višak prihoda od	1.520.376 BH dinara

Višak prihoda od 1.520.376 BH dinara prenosi se u prihode ratnog budžeta općine Zavidovići za 1995.godinu.

II

Ova odluka objavljena je na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

PREDSJEDNIŠTVO SKUPŠTINE OPĆINE
Z A V I D O V I Ć I

PREDSJEDNIK PREDSJEDNIŠTVA

Muhamet Zilkic, dipl.ing.maš.,s.r.

Broj: 01-023-39/95

Datum, 26.4.1995.godine

Na osnovu člana 38. Zakona o primjeni Zakona o finansiranju opštih društvenih potreba (Službeni list RBiH, broj 11/92, 3/93, 19/93, 27/93 i 13/94) i člana 22. Poslovnika o radu Predsjedništva Skupštine općine Zavidovići, Predsjedništvo Skupštine općine Zavidovići na 77. sjednici od 26.4.1995.godine, donijelo je

O D L U K U


o usvajanju završnog računa ratnog budžeta općine Zavidovići
za 1994.godinu

I

Usvaja se Završni račun ratnog budžeta općine Zavidovići za 1994.godinu prema sljedećim podacima:

- ukupan prihod od	1.640.467,40.- DEM
- ukupni rashodi od	1.797.780,40.- DEM
- višak prihoda od	142.687.- DEM

Višak prihoda od 142.687.- DEM prenosi se u prihode ratnog budžeta općine Zavidovići

**II**

Ova odluka objavljena je na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

**PREDSJEDNIŠTVO SKUPŠTINE OPĆINE
Z A V I D O V I Ć I**

Broj: 01-023-40/95
Datum, 26.4.1995.godine

PREDSJEDNIK PREDSJEDNIŠTVA
Husein Zilkic, dipl.ing.maš.,s.r.

Na osnovu člana 99. i člana 106. Uredbe sa zakonskom snagom o finansiranju javne potrošnje (Službeni list RBiH, broj 5/95) i člana 22. Poslovnika o radu Predsjedništva Skupštine općine Zavidovići, Predsjedništvo Skupštine općine Zavidovići na 77. sjednici od 26.4.1995.godine, donijelo je

O D L U K U

o usvajanju obračuna ratnog budžeta općine Zavidovići za period
1.1. - 31.3.1995.godine

I

Usvaja se obračun ratnog budžeta općine Zavidovići za period 1.1. - 31.3.1995.godine prema sljedećim podacima:

- ukupan prihod	6.770.209 BHD	335.885 DEM
- ukupan prihod	5.051.026 BHD	287.450 DEM
- višak prihoda	1.719.183 BHD	48.435 DEM

Višak prihoda u iznosu od 1.719.183 BH dinara i u iznosu od 48.435 DEM prenosi se u prihode ratnog budžeta za period 1.4. - 30.6.1995.godine.

II

Ova odluka objavljena je na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

**PREDSJEDNIŠTVO SKUPŠTINE OPĆINE
Z A V I D O V I Ć I**

Broj: 01-023-37
Datum, aprila 1995.godine

PREDSJEDNIK PREDSJEDNIŠTVA
Husein Zilkic, dipl.ing.maš.,s.r.



Na osnovu člana 41. i člana 99. Uredbe sa zakonskom snagom o finansiranju javne potrošnje (Službeni list RBiH, broj 5/95) i člana 8. Statuta općine Zavidovići (Službeni glasnik općine Zavidovići, broj 10/85, 14/86, 1/90, 10/91, 2/91) i člana 22. Poslovnika o radu Predsjedništva Skupštine općine Zavidovići, Predsjedništvo Skupštine općine Zavidovići na 77. sjednici održanoj 26.4.1995.godine, donijelo je

ODLUKU

o izvršenju ratnog budžeta općine Zavidovići za period 1.4.-30.6.1995. godine

Član 1.

U postupku izvršenja ratnog budžeta općine Zavidovići za period 1.4. - 30.6.1995.godine (u daljem tekstu: Ratni budžet), općinski organi uprave i drugi korisnici sredstava ratnog budžeta imaju ovlaštenja i dužnosti utvrdjene ovom odlukom.

Član 2.

Općinski organi i drugi korisnici Ratnog budžeta mogu stvarati obaveze i koristiti sredstva za pojedine namjene samo do iznosa koji je utvrdjen u Ratnom budžetu.

Propisima i drugim aktima ne mogu se stvarati obaveze na teret Ratnog budžeta ako za te obaveze nisu obezbijedjena sredstva u Ratnom budžetu.

Općinski organi uprave i drugi korisnici sredstava iz Ratnog budžeta dužni su da sredstva utvrdjena u Ratnom budžetu koriste rukovodeći se načelom racionalnosti i štednje.

Član 3.

U cilju obezbjedjenja namjenskog korištenja sredstava Ratnog budžeta Općinska uprava društvenih prihoda će neposredno kontrolisati korišćenje sredstava Ratnog budžeta.

Ako se utvrdi da se sredstva ne koriste u skladu sa ovom odlukom i drugim propisima, direktor Općinske uprave društvenih prihoda donijet će rješenje kojim će narediti korisniku sredstava da otkloni utvrdjene nepravilnosti i korištenje sredstava u skladu sa propisima, ovo rješenje je konačno u upravnom postupku.

Korisniku sredstava koji u roku od 15 dana ne postupi po rješenju iz prethodnog stava, obustavit će se korištenje sredstava iz Ratnog budžeta dok se ne otklone nepravilnosti, odnosno ne uskladi korištenje sredstava sa propisima.

U slučaju iz prethodnog stava, direktor Općinske uprave društvenih prihoda dužan je da nadležnom organu podnese prijavu radi preduzimanja mjera zbog povrede propisa.

Član 4.

Sredstva Ratnog budžeta utvrdjena općinskim organima i drugim korisnicima, čine:

- Sredstva za materijalne troškove,
- Sredstva za posebne i druge namjene,
- Sredstva za potrebe narodne odbrane,
- Sredstva za podsticanje razvoja, intervencije u privredi,
- Sredstva za društvene djelatnosti,
- Sredstva za opšte društvene potrebe

Sredstva za materijalne troškove koriste se na osnovu predračuna, računa putnog naloga i drugih finansijskih dokumenata kojima se pravda odgovarajući trošak.



Sredstva za posebne namjene, sredstva za podsticanje razvoja i intervencije u privredi, sredstva za društvene djelatnosti i sredstva za opšte društvene potrebe koriste se na osnovu predračuna ili računa, a za troškove za koje nema predračuna ili računa sredstva se koriste na osnovu zaključka Načelnika općine Zavidovići.

Sredstva za potrebe narodne odbrane koriste se na osnovu zaključka naprijed navedenog organa.

Sredstva iz stava 1. ovog člana stavljat će se na raspolaganje korisnicima prenosom (dotacijom) na njihov devizni račun odnosno žiro račun.

Prenos sredstava korisnicima vršit će se na osnovu ostvarenja prihoda u tekućem periodu.

Član 5.

Općinska uprava društvenih prihoda kao nosilac Ratnog budžeta ne snosi odgovornost za prenos sredstava onih rashoda za koje se donosi zaključak (rashodi bez predračuna ili računa), već kontrolu na takvim rashodima vrši neposredni rukovodilac organa - korisnika kome su sredstva dozračena i organ koji je donio zaključak o prenosu sredstava.

Član 6.

Izdvajanje u tekuću budžetsku rezervu vrši se na osnovu Uredbe sa zakonskom snagom o finansiranju javne potrošnje.

Član 7.

Sredstva tekuće budžetske rezerve koriste se na osnovu zaključka u svakom pojedinačnom slučaju.

Član 8.

Načelnik općine Zavidovići odlučuje o korištenju sredstava tekuće budžetske rezerve.

Iz sredstava tekuće budžetske rezerve ne mogu se po pravilu odobravati sredstva po zahtjevima koji nisu usvojeni prilikom donošenja ratnog budžeta.

Član 9.

Ako sredstva Ratnog budžeta rasporedjena općinskim organima i drugim korisnicima Ratnog budžeta budu pogrešno isplaćena ili isplaćena u iznosu većem od propisanog, pogrešno isplaćena ili više isplaćena sredstva vratiće se u Ratni budžet.

Rješenje o vraćanju sredstava iz prethodnog stava donosi direktor Općinske uprave društvenih prihoda.

Član 10.

Ova odluka objavljena je na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

**PREDSJEDNIŠTVO SKUPŠTINE OPĆINE
Z A V I D O V I Ć I**

Broj: 01-023-36
Datum, 26.4.1995.godine

**PREDSJEDNIK PREDSJEDNIŠTVA
Husein Zilkic, dipl.ing.maš.,s.r.**



Na osnovu člara 67. Uredbe sa zakonskom snagom o porezu na promet proizvoda i usluga (Službeni list RBiH, broj 5/95) i člara 22. Poslovnika o radu Predsjedništva Skupštine općine Zavidovići, Predsjedništvo Skupštine općine na 77. sjednici od 26.4.1995.godine, donijelo je

O D L U K U

o prestanku važenja Odluke o posebnom općinskom porezu na naknade za usluge

Član 1.

Prestaje sa važenjem Odluka o posebnom općinskom porezu na naknade za usluge broj 01-023-51/94 od 18.10.1994.godine.

Član 2.

Ova odluka objavljuje se na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

PREDSJEDNIŠTVO SKUPŠTINE OPĆINE
Z A V I D O V I Ć I

PREDSJEDNIK PREDSJEDNIŠTVA
Husein Zilkić, dipl.ing.maš.,s.r.

Broj: 01-023-35
Datum, 26.4.1995.godine

Na osnovu člara 1. i člara 29. Uredbe sa zakonskom snagom o porezu na promet nepokretnosti (Službeni list RBiH, broj 5/95) i člara 22. Poslovnika o radu Predsjedništva Skupštine općine Zavidovići, Predsjedništvo Skupštine općine na 77. sjednici od 26.4.1995.godine, donijelo je

O D L U K U

o općinskom porezu na promet nepokretnosti

Član 1.

Za finansiranje općih društvenih potreba koje se finansiraju iz općinskog budžeta na području općine Zavidovići uvodi se porez na promet nepokretnosti.

Član 2.

U pogledu obračuna i naplate poreza na promet nepokretnosti ovom odlukom se uređuje način utvrđivanja poreske osnovice, vrste poreza, visina stopa poreza i oslobađanje od plaćanja poreza na promet nepokretnosti.

Član 3.

Porez na promet nepokretnosti plaća se po odredbama Uredbe sa zakonskom snagom o porezu na promet nepokretnosti (u daljem tekstu: Uredba), odredbama ove odluke te na osnovu drugih propisa donesenih na osnovu Uredbe i ove odluke.



Član 4.

Poreska osnovica poreza na promet nepokretnosti je prometna vrijednost nepokretnosti u trenutku nastanka poreske obaveze.

Član 5.

Općinski porez na promet nepokretnosti plaća se po sljedećim stopama:

- | | |
|---|-----|
| - na promet poljoprivrednog zemljišta po stopi od | 8% |
| - na promet građevinskog zemljišta po stopi od | 12% |
| - na promet građevinskih objekata po stopi od | 15% |

Član 6.

Prometnu i građevinsku vrijednost nepokretnosti utvrđuje posebna komisija Skupštine općine koja je dužna da svakih šest mjeseci podnosi izvještaj o izvršenim slučajevima procjene prometne i građevinske vrijednosti i pojava i problema u vezi s tim.

Komisija iz prethodnog stava broji šest članova koju sačinjavaju predsjednik, četiri člana i radnik Općinske uprave društvenih prihoda koji radi na poslovima razreza poreza na promet nepokretnosti, kao sekretar.

Rješenje o formiranju Komisije donosi Predsjedništvo Skupštine općine
Mandat članova komisije traje 2 (dvi) godine.

Član 7.

Oslobađanje od plaćanja poreza na promet nepokretnosti vraćće se u skladu sa zakonom.

Član 8.

Razrez i naplatu poreza na promet nepokretnosti vrši Općinska uprava društvenih prihoda.

Član 9.

Danom stupanja na snagu ove odluke, prestaje da važi Odluka o porezu na promet nepokretnosti i prava broj 01-023-29 od 10.5.1994.godine.

Član 10.

Ova odluka objavljena je na Oglasnoj tabli Skupštine općine dana 27.4.1995.godine, kada je i stupila na snagu, a objavit će se i u Službenom glasniku općine Zavidovići.

PREDSJEDNIŠTVO SKUPŠTINE OPĆINE
Z A V I D O V I Ć I

Broj: 01-023-34
Datum, 26.4.1995.godine

PREDSJEDNIK PREDSJEDNIŠTVA
Husein Zilkić, dipl.ing.maš.,s.r.

Na osnovu člana 39. stav 1. i 2. Zakona o osnovnoj školi (Službeni list SRBiH, broj 39/90 i Službeni list RBiH, broj 3/93 i 24/93) i člana 25. Poslovnika o radu Predsjedništva Skupštine općine Zavidovići, Predsjedništvo Skupštine općine na 77. sjednici od 26.4.1995.godine, donijelo je

R J E Š E N J E

o imenovanju Komisije za ocjenu sposobnosti djece pri upisu u redovnu osnovnu školu



I

Imenuju se komisije za ocjenu sposobnosti djece pri upisu u redovnu osnovnu školu (u daljem tekstu: komisije) za osnovne škole na području općine Zavidovići.

II

U Komisiju za Prvu osnovnu školu Zavidovići, imenuju se:

1. SULJIĆ HAMID - pedagog-psiholog,
2. ČEBIĆ dr. SEAD - ljekar,
3. ČURIĆ DŽEHVA - nastavnik škole

III

U Komisiju za Drugu osnovnu školu Zavidovići, imenuju se:

1. SULJIĆ HAMID - pedagog-psiholog,
2. BRČIĆ dr. AIDA - ljekar,
3. IMŠIROVIĆ AHMET - nastavnik škole.

IV

U Komisiju za Osnovnu školu Kovači, imenuju se:

1. SULJIĆ HAMID - pedagog-psiholog,
2. ČEBIĆ dr. SEAD - ljekar,
3. HADŽIEFENDIĆ OMER - nastavnik.

V

U Komisiju za Osnovnu školu Hajderovići, imenuju se:

1. DŽAKMIĆ NURADIJA - pedagog škole,
2. ČEBIĆ dr. SEAD - ljekar,
3. DŽAFIĆ SINAN - nastavnik škole.

VI

U Komisiju za Osnovnu školu Gostović, imenuju se:

1. DŽAKMIĆ NURADIJA - pedagog škole,
2. ČEBIĆ dr. SEAD - ljekar,
3. PLEĆAN VEIZ - nastavnik škole.

VII

Zadatak komisija iz tačke II, III, IV, V i VI je da izvrši ocjenu sposobnosti djece pri upisu u redovnu osnovnu školu.

Komisije će obaviti poslove ocjene sposobnosti u toku mjeseca aprila 1995.godine na osnovu spiska školskih obveznika kojeg će urediti Općinski sekretarijat za društvene djelatnosti i opću upravu i na osnovu izvoda iz matične knjige rođenih za svakog školskog obveznika.



VIII

Ovo rješenje objavljeno je na Oglasnoj tabli Skupštine općine dana 27.4.1995.godine kada je i stupilo na snagu, a objaviće se u Službenom glasniku općine Zavidovići.

PREDSJEDNIŠTVO SKUPŠTINE OPĆINE
Z A V I D O V I Ć I

Broj: 01-111-42
Datum, 26.4.1995.godine

PREDSJEDNIK PREDSJEDNIŠTVA
Husein Zilkic, dipl.ing.maš.,s.r.

Na osnovu člana 5. Statutarne odluke o organizaciji prijelazne vlasti općine Zavidovići, a u cilju otklanjanja nedostataka na poslovima upravljanja i rukovodjenja u Auto-moto društvu Zavidovići i što efikasnijeg prilagođavanja Auto-moto društva Zavidovići novim odnosima suglasno Zakonu o udruživanju građana (Službeni list RBiH, broj 33/94), Prijelazni općinski načelnik Zavidovići, dana 31.3.1995.godine, donio je

R J E Š E N J E

o imenovanju organa rukovodjenja i upravljanja u Auto-moto društvu
Zavidovići

I

HOTIĆ ABDULAH, razrješava se dužnosti v.d. predsjednika Auto-moto društva Zavidovići na lični zahtjev.

II

Za upravnika Auto-moto društva Zavidovići imenuje se MAHOVAC MUHAMED iz Zavidovića.

III

U Upravni odbor Auto-moto društva Zavidovići imenuju se:

1. ĆATIĆ AZEM, dipl.ing. - za predsjednika,
2. MERDANOVIĆ HASAN, - za člana,
3. MARUŠIĆ IBRAHIM - za člana.

IV

Zadatak upravnika i upravnog odbora je da u poslovima rukovodjenja i upravljanja obave sve pripreme za prelazak Auto-moto društva na rad sukladno Zakonu o udruživanju građana (Službeni list RBiH, broj 33/94) u rokovima propisanim zakonom.

Osim zadataka iz prethodnog stava, upravnik i upravni odbor će pažnjom dobrog privrednika snimiti postojeće stanje u Auto-moto društvu, obaviti poslove inventarisanja i izrade završnog računa i o nadjenom stanju sa prijedlogom mjera informisati Prijelaznog općinskog načelnika.

V

Hotić Abdulah i Mahovac Muhamed sačinjit će zapisnik o primopredaji dokumenata, sredstava i drugih stvari koje se nalaze kod Hotić Abdulaha.



VI

Rješenje stupa na snagu danom donošenja, a objavit će se u Službenom glasniku općine Zavidovići.

PRIJELAZNO OPĆINSKO VIJEĆE

PRIJELAZNI OPĆINSKI NAČELNIK

Broj: 01-111-46/95

Zilkić Husein, dipl.ing.maš., s.r.

Datum, 31.3.1995.godine

Na osnovu člana 29. Zakona o ustanova (Službeni list RBiH, broj 6/92) i člana t. Statutarne odluke o organizaciji prijelazne vlasti općine Zavidovići, Prijelazni općinski načelnik, dana 1.4.1995.godine, donio je

RJEŠENJE

o imenovanju direktora Javne ustanove "Gradski dječiji vrtić" Zavidovići

I

STARČEVIĆ SABAHILJA iz Zavidovića, imenuje se za direktora Javne ustanove "Gradski dječiji vrtić" Zavidovići.

II

Rješenje stupa na snagu danom donošenja, a objavit će se u Službenom glasniku općine Zavidovići.

PRIJELAZNI OPĆINSKI NAČELNIK

PRIJELAZNI OPĆINSKI NAČELNIK

Broj: 01-111-37/95

Husein Zilkić, dipl.ing.maš., s.r.

Dana, 1.4.1995.godine

Na osnovu člana 102. Uredbe sa zakonskom snagom o finansiranju javne potrošnje (Službeni list RBiH, broj 5/95) i člana 5. Statutarne odluke o organizaciji prijelazne vlasti općine Zavidovići, Prijelazni općinski načelnik dana 3.4.1995.godine, donio je

ODLUKU

o privremenom finansiranju javnih rashoda općine Zavidovići
za april 1995.godine

Član 1.

Privremeno finansiranje javnih rashoda općine Zavidovići za koje se sredstva obezbjeđuju u Ratnom budžetu, vršit će se do donošenja Ratnog budžeta općine Zavidovići za period 1.4. - 30.6.1995. godine, a najduže mjesec dana.

Za realizaciju stava 1. koristit će se sredstva u visini jedne trećine ostvarenih prihoda Ratnog budžeta iz prethodnog perioda.



Član 2.

Ovlašćuje se Općinska uprava društvenih prihoda da u okviru sredstava iz prethodne tačke obezbijedi, u skladu sa uredbom sa zakonskom snagom o finansiranju javne potrošnje, finansiranje javnih rashoda za koje se sredstva obezbjeđuju u općinskom ratnom budžetu.

Član 3.

Ova odluka stupa na snagu danom donošenja, a primjenjivat će se od 1.4.1995.godine.

PRIJELAZNI OPĆINSKI NAČELNIK

Broj: 01-400-48

Dana, 3.4.1995.godine

PRIJELAZNI OPĆINSKI NAČELNIK

Husein Zilkid, dipl.ing.maš., s.r.

Na osnovu člana 1. Odluke o postupku i načinu postavljenja rukovodećih radnika i radnika sa posebnim ovlašćenjima u organima uprave (Službeni glasnik općine Zavidovići, broj 7/91), u vezi sa članom 266. Zakona o državnoj upravi (Službeni list RBiH, broj 26/93 - Novi prečišćeni tekst), Prijelazni općinski načelnik dana 17.4.1995.godine, donio je

RJEŠENJE

o razrješenju inspektora društvenih prihoda

I

MUJIĆ EDEM, razrješava se dužnosti inspektora društvenih prihoda, radi odlaska na drugu dužnost.

II

Rješenje stupa na snagu danom donošenja, a bit će objavljeno u Službenom glasniku općine Zavidovići.

PRIJELAZNI OPĆINSKI NAČELNIK

Broj: 01-111-45/95

Dana, 17.4.1995.godine

PRIJELAZNI OPĆINSKI NAČELNIK

Husein Zilkid, dipl.ing.maš., s.r.

Na osnovu člana 1. Odluke o postupku i načinu postavljenja rukovodećih radnika i radnika sa posebnim ovlašćenjima u organima uprave (Službeni glasnik općine Zavidovići, broj 7/91), u vezi sa članom 266. Zakona o državnoj upravi (Službeni list RBiH, broj 26/93 - Novi prečišćeni tekst), Prijelazni općinski načelnik dana 17.4.1995.godine, donio je

RJEŠENJE

o postavljenju inspektora društvenih prihoda

I

HASIĆ HAZIM iz Zavidovića, postavlja se za inspektora društvenih prihoda po osnovu radne obaveze.



II

Rješenje stupa na snagu danom donošenja, a bit će objavljeno u Službenom glasniku općine Zavidovići.

PRIJELAZNI OPĆINSKI NAČELNIK

Broj: 01-111-44/95
Dana, 17.4.1995.godine

PRIJELAZNI OPĆINSKI NAČELNIK

Husein Zilkid, dipl.ing.maš., s.r.

Na osnovu člana 1. Odluke o postupku i načinu postavljenja rukovodećih radnika i radnika sa posebnim ovlaštenjima u organima uprave (Službeni glasnik općine Zavidovići, broj 7/91), u vezi sa članom 266. Zakona o državnoj upravi (Službeni list RBiH, broj 26/93 - Novi prečišćeni tekst), Prijelazni općinski načelnik dana 17.4.1995.godine, donio je

RJEŠENJE

o razrješenju i postavljenju inspektora rada

I

Razrješava se dužnosti inspektora rada ŠIRANOVIĆ ASIM, zbog nemogućnosti da obavlja posao inspekcije rada.

II

MUJIĆ EDHEM, postavlja se za inspektora rada, po osnovu radne obaveze.

III

Rješenje stupa na snagu danom donošenja, a bit će objavljeno u Službenom glasniku općine Zavidovići.

PRIJELAZNI OPĆINSKI NAČELNIK

Broj: 01-111-36/95
Dana, 17.4.1995.godine

PRIJELAZNI OPĆINSKI NAČELNIK

Husein Zilkid, dipl.ing.maš., s.r.

Na osnovu člana 16. Zakona o državnoj upravi (Službeni list RBiH, broj 26/93 - Novi prečišćeni tekst) i člana 3. Statutarne odluke o organizaciji prijelazne vlasti općine Zavidovići, Općinski načelnik Zavidovići, dana 3.5.1995.godine, donio je

NAREDBU

o naknadama za putne troškove

Član 1.

Ovom naredbom utvrđuje se visina naknade za putne troškove na području Republike Bosne i Hercegovine za radnike državnih organa uprave i službi koji su u radnom odnosu ili su rasporedjeni na rad po osnovu radne obaveze, kao i za poslanike u Skupštini RBiH i zastupnike u zakonodavnom tijelu Zeničko-Dobojskog kantona.



Član 2.

Visina naknade za putne troškove (dnevnicu) iznosi:

- za službeni put u Zenicu, Maglaj i Tešanj 15 DEM u dinarskoj
protuvrijednosti
- za službeni put u Visoko, Kakanj, Vareš i ostala mjesta
Zeničko-Dobojskog kantona 20 DEM u dinarskoj
protuvrijednosti

Član 3.

Visina naknade za putne troškove (dnevnicu) za službeno putovanje na području Srednjo-bosanskog kantona određuje se u visini iz člana 2. stav 1. alineja 2.

Član 4.

Visina naknade za putne troškove (dnevnicu) za službeno putovanje u ostala područja Republike Bosne i Hercegovine određuje se u visini od 25 DEM.

Član 5.

Ono što nije regulisano ovom naredbom, primjenjivat će se odredbe Uredbe o naknadama za putne troškove (Službeni list RBiH, broj 7/95) i Rješenja o najvišim iznosima dnevnica za službeno putovanje (Službeni list RBiH, broj 10/95).

Član 6.

Stupanjem na snagu ove naredbe, prestaje da važe naredbe broj 01-135-4/94 od 3.10.1994. i broj 01-135-1/95 od 16.2.1995.godine.

Član 7.

Ova naredba stupa na snagu danom donošenja, a bit će objavljena u Službenom glasniku općine Zavidovići.

OPĆINSKO VIJEĆE
ZAVIDOVIĆI

Broj: 01-135-4
Datum, 3.5.1995.godine

OPĆINSKI NAČELNIK ZAVIDOVIĆI

Husein Zilkić, dipl.ing.maš., s.r.